

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 28. Juni 2022

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Ëmweltminister an den Här Energieminister weiderzeleeden.

Am Kader vun den Energiesanktioune géint Russland, gëtt och de verstärkten Import vum amerikanesche Flësseggas LNG, deen iwwert déi ëmstridde Fracking-Method gewonne gëtt, als potenziell Alternativ diskutéiert.

An deem Zesammenhang géing ech der Regierung gär dës Froe stellen:

- 1) Verfüügt d'Regierung iwwert eng Vergläichsetude, déi de vollstännegen ekologesche Foussofdruck vum Uelegimport iwwer Pipeline an dem Import vum amerikanesche Flësseggas dokumentéiert? Falls net, gesäit d'Regierung vir, zäitno eng entspreichend Etude an Opdrag ze ginn?

Mat déiwem Respekt,



Fred Keup
Deputéierten



Äntwert vum Minister fir Energie an der Ministesch fir Ëmwelt, Klima an nohalteg Entwécklung op d'parlamentaresch Fro n°6414 vum 28. Juni 2022 vum honorabelen Deputéierte Fred Keup iwwert d'Importation du gaz liquéfié américain

Verfüügt d'Regierung iwwert eng Vergläichsetude, déi de vollstännegen ekologesche Foussofdruck vum Uelegimport iwwer Pipeline an dem Import vum amerikanesche Flësseggas dokumentéiert? Falls net, gesäit d'Regierung vir, zäitno eng entspriechend Etude an Optrag ze ginn?

Generell ass ze soen, datt laut der Internationaler Energieagence 15% vun de weltwäit energiebezunnen Zäregas-Emissiounen bei der Fërderung an dem Transport vun Ueleg a Gas entstinn ("The Oil and Gas Industry in Energy Transitions", IEA, 2020, S.8). Dobäi sinn den Haaptproblem d'Methan-Emissiounen, déi genausou an der Gas- wéi an der Pëtrolsproduktioun beim iwwerierdesche Betrib entstinn. Methan ass en Zäregas mat engem Treibhauspotenzial vun 28, dat heescht 28 mol méi héich wéi dat vum CO₂.

Weder d'Notzung vun Ueleg, nach vu Gas, ass deemno mat eise Klimaziler vereinbar. D'Zil vun der Regierung ass dofir, de Verbrauch vun dësen Energien an eisem Land ze reduzéieren a méttelfristeg duerch d'aktiv Fërderung vun den erneierbaren Energien an der Energieeffizienz ganz a Richtung Klimaneutralitéit ze goen. Dat ass och e konkrete Beitrag zu méi Versuerungssécherheet an Onofhängegkeet.

Lëtzebuerg, den 19. August 2022
(s.) Claude Turmes
De Ministere de l'Énergie